

Te mahere ā-rohe o Ōrākei 2020

He aronga poto i tā mātou mahere



Mihi

E ngā kainoho, e ngā hapori
Anei te reo matakuikui ka hora ki ngā iwi
kua whakakāinga nei i a Ōrākei
Tēnā koutou katoa.
E noho nei au i te maunga o Ōhinerau
ka titiro ki te raki, ki a Maungarei.
Ko aku karu ka whai i te awa o Tāmaki e tere rā
ka rewa ake ki runga i a Taurere
ki te Pane-o-Horoiwi.
I konei ka huri whakawaho taku kaikanohi
ki Tikapa Moana, ka matika ake he moutere,
ko tōna rite he tōtōeka,
e patī mai ki runga i ūtātou tāhuna.
Mai i konei ka rere tonu rā ki te Waitematā,
ka paraītī mai ūna tai kārohirohi
ki runga i ūna takutai.
Haumi e, hui e, tāiki e.
Tirohia tō mātou tirohanga whānui
kei ngā whārangī nei.
Nōu hoki te tirohanga? Whāki mai!

Kei tēnei puka te whakarāpopotohangā o te Mahere Poari ā-Rohe. Toro atu ki te paetukutuku o Te Kaunihera o Tāmaki Makaurau, www.aucklandcouncil.govt.nz mō te roanga ake o te mahere.

He kōrero nō te Heamana

Ko tēnei mahere poari ā-rohe te rautaki o ngā wawata me ngā mahi a te Poari ā-rohe o Ōrākei i ngā toru tau kei mua i te aroaro. Ka whai wāhi hoki ki te mahere pae-tawhiti o te Kaunihera o Tāmaki Makaurau me ngā whakataunga mō te tahua pūtea me ngā kaupapa ā-rohe o te Governing Body. Kua whai wāhi mai ai ngā whakahokinga kōrero katoa o te tuhinga tuatahi o te mahere, ā, nā runga i tōna takenga mai i ngā wawata o ngā hapori, he puka whakahirahira tēnei.

Nā te MATE-KORONA me panoni ngā whakahaeretanga me ngā whakamaheretanga; kāore e taea te koke poka noa nei. Heoi, kāore te MATE-KORONA i aukati i te wawata, te whakamahere me te anga whakamua i raro i te korowai manahau. Matua mōhio ana mātou e taea ana ngā mahi nunui, ahakoa ngā taumahatanga ūhangā me ngā taumahatanga pāpori.

Nā, ahakoa i kutia te pūtea i whiwhia ai e te kaunihera, e mārama pū ana mātou - e aupēhitia ana ngā pūkoro o ngā tāngata me ngā pakihī o tēnei rohe. Nā runga i tēnei āhuatanga, ka hīkina e te poari te mānuka mā te whakataurite i ngā wawata me ngā mahi hei pīkau. Ko tēnei te wā ki te takahi i ngā ara auaha ki te whakatinana i ngā kaupapa mā te hapori, mō te hapori.

Tō mātou rautaki

Ahakoa te aha, ko ngā tāngata te mātāmua o ngā Whakaaro, ā, ko ngā rōpū hapori te ngākau o tō tātou rohe. Ahakoa tō tātou waimarie i te wāhi nui o tēnā, o tēnā ki ngā whiringa hapori, e kore e taea te karo i tērā e matea ana e te taiao i tēnei wā tonu. Ki te whakatārewahia, ka nui noa atu te pūtea ka whakapaua āpōpō, ā, he pūtea e pērā rawa te nui e kore rawa pea e taea, ahakoa te pai o te ao. Ka kitea i tēnei mahere ngā kaupapa ki te whakarauora i te taiao - ka maha noa atu ngā rōpū me ngā tāngata e whai wāhi atu ki ngā kaupapa me ngā hinonga, ko te whakaora me te whakapaipai i a Pourewa Valley tētahi o ngā kaupapa matua.

Ka tautokona, ka ākina e te poari ā-rohe ngā rōpū o nāianei me ngā rōpū kaupapa-motuhake ki te whakatū i ngā rōpū "hoa tata". He wāhi nui tō ngā tūao ki te whanaketanga o te hauropi ā-rohe me te whakaataahua i tō tātou rohe - mā ā rātou mahi whakakore riha, hutu taru, whakapakari paretai manga e ora ai te taiao. Hei kaitiaki, ko tā mātou e wawata ai - kia kawea tēnei momo mahi mō ngā hapori o nāianei, o āpōpō hoki.

E mōhio pai ana mātou me whakapaipai i ngā whare me ngā hanganga o tō tātou rohe. Ka whakatinanahia e mātou ētahi kaupapa nunui, pēnei i te Meadowbank Community Centre, te wāhanga tuarua o te Glen Innes to Tamaki Drive Shared Path me te whakawhānui i ngā ara paihikara me ngā ara hīkoi huri noa i te rohe.

Te wāhi ki a koe

Ko te tūmanako e rite ana ō tātou wawata mō te rohe pōtae o te Poari ā-Rohe o Ōrākei.

I runga i te whakaaro nunui, tēnā koe i tō whakahoki kōrero mai ai, ā, e hīkaka ana mātou ki te mahi ngātahi ki te whakakiko i tēnei mahere. He whakataukī nō Āwherika e kī ana:

"Ka riro te āpōpō ki te hunga e whai whakaaro ana i tēnei rā".



Scott Milne

Heamana, Poari ā-Rohe o Ōrākei.

He whakarāpopotohanga o ngā kaupapa matua o te mahere

Whakaotinga tahi: Kei te honohonoa, kei te tūhonotia, kei te aumangea ō tātou hapori

Ka tupu, ka whanake te rohe pōtae o tō tātou poari ā-rohe, ā, he hapori kanohi rau, he hapori kanorau. I ngā rā o te MATE-KORONA i kitea te hiakai o ngā tāngata o tēnei rohe, taitama, taipakeke hoki, ki te tautoko i ērā atu tāngata o te hapori, ki te whakapaipai hoki i tō rātou rohe pōtae.

Whakaotinga rua: Kei te tiakina, kei te haumanutia, kei te whakahaumakotia ō tātou whenua, ngahere, ara wai, taiao moana hoki

He tino pai tō tātou rohe pōtae hei wāhi noho nā runga i ūna āhuatanga taiao. Me manaaki i ēnei āhuatanga, ina whanake ohaoha ai, nō reira ka nui noa atu te kaha ka whakapaua ki te whakahaumako i te taiao, ki te whakamarohi i tōna mauri, ki te whakaatu i tōna motuhake ki tō tātou oranga.

Whakaotinga toru: Ko te katoa o ngā papa rēhia, o ngā takiwā mārakerake hoki he rerehua, he wāhi kaha te whakamahi mō ngā mahi rēhia oi, hāngū anō hoki

Whai muri i ngā rā o te MATE-KORONA i tino kitea ai te whakahirahira o ngā papa tākaro, whenua tāpui, whenua mārakerake, ki a tātou. Ka arotahi tonu mātou ki te whakawhānuitanga o ngā papa whakangahau kia nui noa atu ngā tāngata e whai wā ki te whakamahi

Whakaotinga wha: Ko ū tātou hanganga ikiiki he pai te mahi, he honohono, mā konei e whakahei ana i te tangata kia neke haere i runga i te haumaru me te pai mā te whakamahi i te whānuitanga o ngā kōwhiringa

Kia nunui hāere ai tō tātou hapori ka whai take nui ai te whakariterite i ngā momo ikiiki rerekē mō te tangata kia taea e ia te torotoro i ngā tōpitopito o te rohe. Heoi, i ngā tāngata e whai whakaaro ana ki ngā aratau hāereere, ko te rere tika me te rere marutau kei te mātāmua o ngā whakaaro.

Whakaotinga rima: Kei te piki haere te ngangahau me te taurikura o ū tātou pokapū tāone, pakihī ā-rohe hoki

E kaha hiahia ana ū tātou hapori kia pūawai ai ngā pokapū tāone me ngā pakihī ā-rohe, nā whai anō ka tautokona e mātou te kaupapa "love local, shop local" ki te āwhina i tō tātou ohaoha ā-rohe.

Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe o Ōrākei mai i te 1 Hōngongoi 2020 ki te 30 Pipiri 2021.

| Rārangi Tahua Pūtea ā-Tau | 2020/21 (\$000) |
|---|--------------------|
| Whiwhinga moni i ngā mahi whakahaere | |
| Ratonga hapori ā-rohe | 1,452 |
| Whakarautaki ā-rohe me ngā mahi whakawanake | - |
| Ratonga taiao ā-rohe | - |
| Mahi kāwana ā-rohe | - |
| Tataunga whiwhinga moni i ngā mahi whakahaere | 1,452 |
| Whakapaunga moni ki ngā mahi whakahaere | |
| Ratonga hapori ā-rohe | 11,621 |
| Whakarautaki ā-rohe me ngā mahi whakawanake | 545 |
| Ratonga taiao ā-rohe | 397 |
| Mahi kāwana ā-rohe | 889 |
| Tataunga whakapaunga moni ki ngā mahi whakahaere | 13,452 |
| More whakapaunga moni ki ngā mahi whakahaere | 12,000 |
| Whakapaunga pūtea tōpū | |
| Ratonga hapori ā-rohe | 2,116 |
| Whakarautaki ā-rohe me ngā mahi whakawanake | - |
| Ratonga taiao ā-rohe | - |
| Mahi kāwana ā-rohe | - |
| Tataunga whakapaunga pūtea tōpū | 2,116 |

Ngā Mema o te Poari ā-Rohe o Ōrākei

| | Ngā taipitopito hei toro atu ki ngā mema |
|---|--|
|  | Scott Milne – Heamana Waea: 021 876 326 scott.milne@aucklandcouncil.govt.nz |
|  | Sarah Powrie – Heamana Tuarua Waea: 021 142 2913 sarah.powrie@aucklandcouncil.govt.nz |
|  | Troy Churton Waea: 021 042 1110 troy.churton@aucklandcouncil.govt.nz |
|  | Colin Davis Waea: 09 575 5265 colin.davis@aucklandcouncil.govt.nz |
|  | Troy Elliott Waea: 021 198 0834 troy.elliott@aucklandcouncil.govt.nz |
|  | Margaret Voyce Waea: 029 880 9900 margaret.voyce@aucklandcouncil.govt.nz |
|  | David Wong Waea: 021 723 846 david.o.wong@aucklandcouncil.govt.nz |



© 2020 Auckland Council
Auckland Council, Ōrākei Local Board

ISSN 2253-1114 (Print)
ISSN 2230-6749 (PDF)

Auckland Council disclaims any liability whatsoever in connection with any action taken
in reliance of this document for any error, deficiency, flaw or omission contained in it.